

## S. PETRI DAMIANI

S. R. E. CARDINALIS

## SANCTORUM HISTORIE.

## VITA SANCTI ODILONIS

ABBATIS CLUNIENSIS ET CONFESSORIS, ORDINIS SANCTI BENEDICTI.

(An. Chr. 1049, 1 Jan.)

*Cum notis Andreæ Duchesnii et Anonymi.*

**400** PETRUS DAMIANI sanctis Ecclesiis quæ sunt in Occidentalibus Galliarum partibus constitutæ, sa-  
lutem quæ est in Christo Jesu.

(122) Hugo Cluniensis monasterii rector, et spir-  
ituialis militiæ dux ac præcipius informator, hoc milii  
laboris injunxit, ut Vitam B. Odilonis, successoris  
videlicet sui, proprio stylo succincte perstringerem,  
et ex his quæ in anterioribus paginis latius reperi-  
bantur esse diffusa, utiliora queque magisque ne-  
cessaria brevi compendio destorarem. Cuius ego  
compulsus imperio, non venustatem luculentí aucu-  
pabor eloquii, sed sicut ex oblatis apicibus depre-  
hendere potero, cum Dei omnipotentis auxilio me-  
ræ veritati deservire tentabo. Superfluum quippe  
est lucernam manibus adhibere, dum micantium  
stellarum conaris signa distinguere; ego quoque  
dum actus mirabilis viri, tanquam sereni cojusdam  
atque perlucidi cœli stellas ostendo, facetiis urba-  
næ facundiæ non indigo. Ipsa quippe per se san-

ctorum vita fideliter enarrata sic rutilat, ut splendo-  
rem accurati sermonis ad illustranda fidelium corda  
non requirat. Huc accedit, quia rusticitas sermonis  
inculti suspicionem purgare consuevit mendaci.  
Nam qui vix sufficit, ut elatum saltem depromat  
eloquium, quomodo noverit fabricare commentum?  
Et certe majoris tibi honoris est ut rex in ferro,  
quam servus attulteris in auro; et habilior est  
aqua perspicua in vase sictili, quam luctuosa, vel  
lurida, quam non sapor proprius, sed exteriora  
commendant ornamenta gemmarum. Sic et melior  
est veritas in simplicibus verbis, quam sit menda-  
cium in elucubrati venustate sermonis. Sed jam  
res ipsa producatur in medium, et illius summæ  
veritatis auxilium imploremus, qua abbreviatum  
B Verbum per prophetam promittitur (Isa. x); quatenus  
in hujus scriptioñis articulo, et competenti brevitate  
succinctos, et a nota mendacii nos exhibeat alienos.

Beatus igitur Odilo (123) Arverniæ oriundus, **401**

## ANDREÆ CHESNII ET ANONYMI NOTÆ.

(22) Hugo fuit abbas Cluniensis sextus, sancti-  
tate quoque clarissimus.

(123) De hoc Odilone præter Petrum Damianum,  
et Silviniacensem monachum anonymum, qui Vi-  
tam ejus et miracula scriptis consignavere, men-  
tionem faciunt adliuc Chartularium S. Honorati  
Lerinensis insulae, Claber Rodulphus lib. Histor.  
capp. 5 et 8; lib. iii, cap. 3, et lib. v, capp. 4 et 4.  
Ademarus Chabanensis in Historia Aquitaniæ, con-  
cilium Lemovicense sess. 3. Chronicon Cassinense  
cap. 58. Fulbertus Carnotensis episcopus epist. 51  
et 66. Concilium Cabilonense provinciale 8; Hermanni Contracti continuator, Sigebertus ad annum 993.  
Petrus Blesensis, epist. 133. Liber Consuetudinum  
cœnobii Cluniacensis, Fasciculus temporum, Vin-  
centius Belloyacensis, lib. xxvi Speculi, cap. 102 et  
sequentibus. Chronicon Lemovicense, Bernardus  
Guidonis, Chronicon S. Petri Vivi, Platina,  
Chronicon Chronicorum, Lupoldus Bebenburgensis  
lib. De veterum principum Germanorum fide et re-  
ligione, cap. 43. Trithemius lib. ii, De viris illu-  
stribus ordinis S. Benedicti cap. 75, lib. iii, cap.

235, et lib. De scriptoribus ecclesiasticis; Antonius  
archiepiscopus Florentinus in Chronicis, Philippus  
Bergomas in Supplemento, Volaterranus in Anthro-  
pologia, Chronicum rerum Burgundionum, Guillelmus Paradinus in Annalib. Burgundiae, Petrus San-  
Julianus in antiq. Matisc., et Cabil. Riccardus Was-  
seburgensis in historia Galliae Belgice, Cæsar Baro-  
nius in Annalib., et ad Martyrol. Roman., Alfon-  
sus episcopus Albiensis in lib. De regno Burgun-  
diæ Transjuranae, Chopinus in Monastico, et alii  
tam veteres quam moderni. Quibus addendus etiam  
Joannes Parisiensis in Memoriali Historiarum, ubi  
sic ait: Post beatum Maiolum factus est Odilo  
quarius abbas Cluniensis. Hic de Alvernia, ex  
equestri genere oriundus fuit, et sub S. Maiolo fa-  
ctus monachus Cluniensis, ubi dum in quiete,  
simplicitate et humilitate, et sancta conversatione  
persistet, et jam perfectionis normam allingeret,  
vix annis quatuor evolutis, S. Maiolus in Domino  
requievit; beato tunc Odilone concurrentibus in eo  
rotis omnium fratrum sibi substituto in cura pastorali.  
Præfuit igitur 56 annis, nec aliqua die a missæ cele-

ex equestri quidem ordine genus (124) duxit, sed A terrenæ prosapiaæ lineam cœlestis vitæ nobilitate transcendit. Hie dum adhuc puerili teneretur infanta, tanto repente est omnium fere membrorum languore constrictus, ut incedendi quoque prorsus amitteret facultatem. Accedit [accidit] autem aliquando, ut nutrix eum ante januam ejusdam basiliæ, quæ in honorem beatæ Dei Genitricis erat dedicata relinqueret; et ipsa intenta suis compendiis, per diversa procul abiret. Puer itaque se conspiciens sine custode relictum, ac nutritiæ sedulitatis ministerio destitutum, divino quodam provocatus instinctu, tentare cœpit si valvas ecclesiæ quolibet nisu posset attingere. Fluctuabat igitur innocens reus Dei, et sub divino verbere constitutus, quid ageret nesciebat. Innocens, inquam, ut puta qui non peccaverat; reus autem Dei, quia cœlesti verbere vapulabat. Tandem repens et quasi quodam se manuum pedumque remigio fulciens, vix pervenit ad januam, paulatin progressus intravit. Jamque spe concepta, valentior palam altaris arripuit, et sic se erigere, quibus poterat conatibus, cœpit. Sed dum intempestive conatur, ne cum soluti languoris adhuc nodositate restringitur. Quid plura? Tandem divinæ virtutis auxilium sensit, et omni languore deposito factus incolumis, ad referendum Deo gratias intuentum animos provocavit. Et quia tunc alias deerat qui pro se intercederet, sanctus ipse, ut ita loquar, in se signum virtutis exhibuit, ipse pro se intervenit; et de ipso miraculo faciens medicinam divinæ curationis oblinuit. Hoc est enim egregium, et insigne miraculum, cum homo non per alium, sed ipse sibi concivit divinæ virtutis auxilium.

## ANDREÆ CHESNII

bratione cessavit, quantumcunque impeditus fuit, in erogandis elemosynis ita largus, ut a quibusdam non dispensator, sed prodigus diceretur. Tempore famis consumptis in usus pauperum thesauris ecclesiæ, pluræ etiam sacra vasa et ecclesiastica ornamenta pauperibus distribuit. Coronæ etiam, quam Henricus secundus imperator sibi ob sui memoriam destinavit, non percit. Corpus suum non tantum duris attenuabat jejuniis et asperniss edomabat cilicis; sed et quibusdam ferreis nexibus coarctabat. Sobrius erat in edendo, et pius in compatiendo. Inter ceteros sanctos circa beatam Dei matrem ardentissima devotione flagrabat, ipseque dum reprehenderetur ex eo quod in paenitentes misericordior justo esse videtur, respondit: Si damnandus sim, maliu damnari de misericordia quam de duritia, vel crudelitate. Hujus Vitam jussu Hugonis ejus successoris scripsit Petrus Damianus. Clarus igitur miraculis in vita, migravit ad Christum in vigilia Circumcisionis. In extremis laborans diabolum aslare vidit, et eum adjuratum fugavit. Meminit et illius Chronicon S. Benigni Divionensis, in quo legitur, quod anno 1014: Rex Robertus Burgundiam intrans cum plurimo exercitu, Divionem castrum advenit, circumpositam regionem devastans ac depopulans. Cujus iram timens abbas Willermus, omnes monachos ab hoc loco per alia monasteria jussit secedere, aliquantos vero, et omni ornatu ecclesiæ in castrum Divion, ac in ecclesiam S. Vincentii, quam tunc quieto jure monachi istius loci possidebant, fecit residere. Paucis solummodo tribus ad custodiam loci, et S. Benigni servitum cum domino abate Odilone in hoc loco dimisis. Rex

A 402 Qui præterea dum ad grandiusculæ jam ætatis adolesceret incrementum, prius apud sanctum Julianum martyrem factus est clericus (125), deinde B. Maioli confessoris egregii se magisterio tradidit, et in Cluniacensi monasterio habitum sanctæ religionis accepit. Ubi dum quietus et simplex humilièr in sancta religione persisteret, et in ipso rudis, ac novitiae conversationis exordio, quædam jam in eo perfectionis insignia prælucerent, vix evolutis quatuor annis, B. Maiolus obdormivit in Domino, sed antequam humanitatis debitum solveret, proximus tamen beatæ dormitionis articulus immineret, beatum Odilonem sibi met in pastoralis officii cura substituit, suumque super Dominici gregis custodiam vicarium dereliquit. In quem protinus omnium fratrum vota concurrunt, omnes se ad obedientiam ei unanimi devotione substernunt; quique se eatenus orbatos remanere desleverant, decessionis paternæ jacturam, supparis vicarii reformatione compensant.

B Jam vero in commissi regiminis sollicitudine constitutus, plurimis sanctæ religionis cœpit florere virtutibus; nimis ut psalmodiae studiis vigilanter insisteret, dura corpus inedia maceraret, atque a sacris altaribus non recedens, quotidianum fere omnipotenti Deo sacrificium laudis offerret. Inter quas profecto piæ devotionis execubias, uberrimis plerumque lacrymarum compunctionibus affinebat.

C Porro autem Adraldus (126) abbas Bremensis monasterii, vir videlicet religiosus ac sanctæ conversationis honestate conspicuus, qui discipulus ejus extiterat, nobis aliquando retulit, quia vir Dei, dum in eo quo postmodum defunctus 403 est languore decumberet, illi præcepit ut ex caleularis abaci

## ET ANONYMI NOTÆ.

D vero, ut erat mente benignus, cum cognovit propter se monachos dispersos, valde doluit. Paucis itaque transactis diebus Franciam repedavit. Omnes illi concorditer hunc Odilonem abbatem vocant; nec aliam ejus nominis scripturam alibi vidiisse sedatum; præterquam in Othonis imperatoris unico diplomate, quod Odilum pro Odilone nuncupatum præfert. DUCHESN.

(124) Scribunt idem, et allegatorum jam auctorum plerique: Qui tamen gentis, sive familie tacent nomen. Verum illam Mercorii suis, sanctumque Odilonem de Mercurio cognominatum suspicor, adjutus testimonio Kalendarii Claromontensis Ecclesiæ, quod humanitate D. Savaronis exhibitum est hujusmodi: Quarto Nonas Januarji, Octava S. Stephani, et Odilonis abbatis et confessoris, pro quo festo librando Odilo de Mercurio canonicus Claromontensis, et præpositus Brivatensis, promisit quadraginta solidos censuales, aut reddere semel quadraginta libras, et debent librari in missa, et in vespere dicti festi. Ad quid enim pecuniam pro S. Odilonis abbatis festo librando premisisset Odilo de Mercurio, nisi consanguineus ejus, et ex eadem familia procreatus exstitisset. Id.

(125) In Brivatensis [Brioude] vico scilicet. Unde et Silvianiacensis monachus in ejusdem Vita: Tanguam alter Isaac, inquit, sive Samuel Christo consecratus, et Brivate apud S. Julianum gloriosum martyrem clericale sorte est donatus. Id.

(126) De quo et Chronicæ Cluniacensis scriptor, qui corrupte Adraudum Uremetensis monasterii abbatem vocant. Id.

supputatione colligeret quæ posset esse summa mis-  
sarum, quas celebravit per spatum quinquaginta  
sex annorum, quibus monasterium rexerit. In quo facto  
liquido deprehenditur, quam diuturna, quam indefi-  
ciens divini amoris flamma beati viri pectus excoxit,  
quod nimur ab offerendis quotidie salutaribus  
hostiis cohibere tot curarum, tot ingruentium nego-  
tiorum sollicitudo non potuit.

In erogandis præterea eleemosynis ita largus erat,  
ut nonnulli dum eum omnia dispergentem sine cun-  
ctatione consiperent, non dispensatorem, sed pro-  
digum judicarent; præsertim quodam tempore dum  
fames valida Aquitanæ fines vehementer affligeret,  
ac plurimas Galliarum provincias pestilenter arcta-  
ret, exhaustis jam in pauperum usus ærariis, et hor-  
reis quorumcunque proventuum non mediocriter  
profligatis, mox etiam plurima sacrarii vasa con-  
fregit, insignia ecclesiæ ornamenta distraxit, coronæ  
quoque, quam sibi imperator (127) Henricus ob sui  
memoriam destinaverat, non pepercit. Ut igitur  
tam acerbæ fami (128), in quibus valuit, temperaret  
inopiam, quidquid hinc inde corraderet potuit  
facultatum, in sustentationes et alimenta contradidit  
egenorum.

Quodam sane die, dum per publicum pius equita-  
tor incedit, duos in itinere pueros fame pereemptos  
reperit. Mox equo desiliens, laneam, qua induitus  
erat, ad carnem subduxit sibi interulam, eaque prout  
velaminis quantitas permittebat, utrumque cadaver  
obvolvebat, exhibebat mortuis sepulturam. Nam et  
vespillones mercede conduxit, et funeris usque ad  
tumulum persecutus exsequiis, defunctis fratribus  
debitum humanæ pietatis exsolvit.

In eadem quoque gestorum ejus reperitur historia,  
quia corpus suum, non modo duris consueverat  
attenuare jejuniis, aspermis edomare ciliciis, sed  
quibusdam ferreis nexibus coactabat. In percipiendis autem ita se moderabatur eduliis, ut apposita  
quæque coniungens, ac naturali duntaxat necessitatibus  
dispensative subserviens, et vanitatem superstitionis  
effugeret, et sobrietatis continentia reservaret. In

#### ANDRÆ CHESNII ET ANONYMI NOTÆ.

(127) Hujus Henrici liberalitatem in Cluniacenses,  
etsi non expresso coronæ nomine, commendat quo-  
que Lemovicensis monachus in historia Aquitan-  
rum his verbis: *Henricus imperator multa dona  
contulit cœnobio Cluniacensi.* Fuit autem is Henricus  
II nomine, filius Conradi, vel secundum alios gener;  
qui et Odilone defuncto, sicut refert Hildebertus  
episcopus Cenomanensis, S. Hugonis ejus in abbatia  
Cluniacensis successoris faciem videre, et familiaritatem  
adipisci desiderans, ut venire dignaretur ad se,  
supplici voce postulavit. Postulantem pius Pater exau-  
diuit; intravit Saxoniam, summo pariter et honore  
susceptus est et gaudio. Paucis ibi diebus peractis,  
ex petitione regis filium ejus sacerdos de fonte levavit;  
puero nomen patris imponens. Celebravit autem Pa-  
scha cum imperatore in Agrippina Coloniæ; Teutho-  
nici mirantibus in juvenili aetate canitatem  
morum, conversationis mansuetudinem, vultus gra-  
tiam, verborum lenitatem. Quibus profecto virtutum  
indicis; ita cum eo, et cum Cluniacensi monasterio  
regis est anima colligata, ac si rex ipse perpetuam

A promulgandis porro iudicis, ac modis pœnitentiae  
præfigendis, tam pius erat, et tanta mœrentibus  
humanitate compatiens, ut nequaquam ~~404~~ distri-  
ctum patris imperium, sed maternum potius exli-  
beret affectum. Unde se reprehendentibus, hujusmodi  
verbis solebat eleganter alludere: *Etiam si damn-  
dus sim, inquit, malo tamen de misericordia, quam  
ex duritia vel crudelitate damnari.* Inter caeteros au-  
tem sanctos circa beatam Dei Genitricem tam ar-  
dentissima devotione flagrabat, ut constitutus in  
choro psallentium, cum ad illum veniret ex modu-  
lantium alternatione versiculum:

Tu ad liberandum suscepturus hominem,  
Non horruisti Virginis uterum,

B in terram se prosterneret; sicque per corpus ostend-  
eret, quibus desiderii cœlesis in mente facibus  
aestuaret.

Vir igitur sanctus cum in bonis moribus per quotidianæ piaæ conversationis incrementa succresceret, seseque quotidie melior ad perfectionis culmen fer-  
ventius anhelaret, cœpit nonnullis coruscare miraculis; ut qui clarus erat in probitate morum, claresceret etiam in ostensione signorum; et qui in obtutib[us] omnipotentis Dei erat lucerna ardens, fieret etiam coram hominibus lucens (*Joan.* v). Unde divino disponente iudicio factum est, ut quia de illis erat, quibus dictum est: *Vos estis lux mundi* (*Matth.*  
v), primum de luce miraculum exhiberet. Aliquando siquidem dum esset in quadam sui juris villa, quæ Bersoniacum dicitur, videt puerum, venustum quidem forma; sed cœcum a nativitate. Super quo con-  
sulens, didicit quia filius esset villici, et quia visum penitus nunquam habuisset. Cui mox pia bénignitate compatiens, et apud se tacitis precibus latenter insistens, ut puta quia talia nondum expertus, advocat tanDEM parvulum, signum illi salutiferæ crucis in fronte depingit, et confessum visum, quem natura negaverat, puer accepit.

Alio quoque tempore dum esset vir Dei apud suum quoddam monasterium (129), quod Vallis Aurea vocatur, quarta videlicet feria primæ quadragesi-

#### ANDRÆ CHESNII ET ANONYMI NOTÆ.

D cum eis amicitiam pepigisset. Henrici filius, Henricus tertius dictus, Henricum quartum genuit, qui et ipse tandem, veluti quidam dicunt apud Martinum Polonum lib. iv Chronicæ, *imperio dimisso monachus Cluniacensis est effectus.* Coronæ porro quam avum ejus Odiloni destinasse scribit Damianus, meininit item anonymous Silviniaci monachus in Vita ejusdem Odilonis, ubi ait, quod in usus pauperum confregit plurima vasa ecclesiæ, et ornamenti insignia, inter quæ etiam imperiale Henrici imperatoris corona. DUCHESN.

(128) Exstat in tomo II Spicilegii Dacherii beati Odilonis epistola ad Garsiam regem Navarræ, qua ejusdem opem implorat tempore famis. Quare Mabillonius ea occasione ipsam scriptam credit. ANONYM.

(129) De quo et ipse Damianus postea: *Præterea, inquit, cum vir venerabilis apud quamdam ecclesiam monasterii, quod dicitur Vallis Aurea, cibum caperet.* DUCHESN.

malis hebdomadæ, quæ caput jejunii dicitur, surgentibus a mensa fratribus; ille pugillum cineris latenter implevit, et apposito pane discubuit. Cumque cinerem tanquam panem manducaret, ut potum quoque, juxta Prophetam, cum fletu temperaret (*Psalm. c. i.*), innuit fratri ut clam sibi aquam nullo teste deferret. Ille, quod erat iussus, implevit; aquam **405** attulit, quæ, dum labiis adhibetur, austera tem vini redolere sentitur. Reprimit ergo manum, abigit poculum, atque ut sibi aquam minister afferat signis evidenter imperat. Ad quod minister obstu-  
puit; et vinum se a mensa referre qui aquam propinaverat admiratus expavit. Geminat tamen ossium, vinum projicit, convasat aquam, denuo porrigit discombenit. Sed ecce, dum aqua potanda re-  
petitur, vinum rursus in poculo reperitur. Jam ita-  
que vir sanctus, divinæ erga se pietatis beneficium recognoscens, quod Deum sibi misericorditer indulgere considerat cum gratiarum actione percipere non recusat.

Præterea, cum vir Dei cum Henrico rege, qui postmodum factus est imperator, in Ticinensi simul urbe consisteret, et Dominicæ nativitatis gloriam celebraret, contigit ut velamen mensæ ejus, artificiosa textrini laboris operatione conspicuum, sacilega fuisse fraude sublatum. Postquam autem vir Dei cum rege discessit, sur qui rapuerat jam securus proposuit velamen in foro venale. Sed dum illi dispositio cœlestis obsistit, sancta distrahi præda non potuit. Ter igitur quod subduxerat inter nundinarum merces exposuit, tertio subtiliter attentavit, sed cum emptoribus de pretio penitus convenire non potuit, nec inter distrahitentem et coementem pacisci valuit venale commercium, quia divina disposilio conatibus hominum negavit effectum. Interea sceleris hujus auctorem ultio divina corripuit, et manus, quæ sacrilegium perpetraverant, ac pedes, quibus raptor aufugerat, aresciens, intolerabili dolore constrinxit. Mox itaque compulsus languore ad ecclesiam beati Maioli manibus alienis advelisur, mantile sublatum ad reatus indicium coram cunctis appenditur, et divina clementia ab omni populo, qui percitus hujus famæ rumore consluxerat, imploratur. Sic itaque beati Maioli meritis ac precibus fratrum sibi servientium sanus et incolmis factus velamen reddidit alienum, et recepit semetipsum. Probavit ergo quo præmio dignus esset qui beatum offenderet Odilonem.

Alius quoque sur, cum vir Dei in eadem urbe consisteret, stabulum ejus nocturnus irrupit, et

#### ANDRÆ CHESNII

(150) Quod Guntchramnus Burgundia rex juxta Cabilonem condidit, ut notat Fredegarius in Appendice ad Gregorium his verbis: Anno 24 regni sui, divino amore ecclesiam beati Marcelli, ubi ipse pretiosus requiescit in corpore, quæ in suburbano quidem Cabilonensi, sed tamen in Sequano est territorio, mirifice et solerter edificare jussit, ibique monachis congregatis monasterium condidit, ipsamque ecclesiam rebus plurimis ditavit. Longe vero postea nobilissimus

**A** equum cui specialiter ipse insidere consueverat caute subduxit. Sed quia illis in partibus deprehendi sur sacrilegus timuit, concitus ad oppidum Laudense profugit. Securus itaque recognoscentium, proponit equum, emptores invitat, vehiculum laudat, commercium flagitat. Sed sic hominem divina dispositio præpedivit, ut nec cum quolibet emptore componere, nec animal potuisset pecunia permutare. Postremo autem reversus ad se et poenitentia **406** ducus bestiam ad locum sui criminis concium revocat, et quid sibi contigerit ad sui confusione et omnipotentis Dei gloriam non occultat.

Vir idem venerabilis dum esset in itinere constitutus, quia causa dictabat, Ticinum festinanter ac sine mora transire cupiebat, sed intumescentibus **B** aquis, etiam navigium deerat. Protinus ergo consi-  
sus in Deum, unum e famulis vocat, seque in no-  
mine Christi præcedere per alveum fluminis imperat. Obedit illico famulus, spumantes profluentium undarum cumulos ingredi non moratur, deinde vir sanctus cum omni commendantum turba subsequitur, et sic omnes in ulteriore alvei crepidinem absque ulla prorsus incommoditatis offendiculo transponuntur. Quod dum nonnulli qui aderant miraren-  
tur, velut æmuli præcedentium, cœperunt attentare meatum, sed mox ut adorti sunt extremos citerioris ripæ fluctus attingere, nisi equos sub celeritate re-  
pressissent, profluentis aquæ submersi voragine procul dubio naufragium pertulissent. Unus autem ex his qui tunc aderant, ut tam insigne miraculum **C** vidit, obstupuit hominemque Dei ut suæ domus subire dignaretur hospitium fusis humiliter precibus impetravit.

Intempestæ alias noctis silentio vis venti vehe-  
mentior irruit et lucernam, quæ in dormientium cubiculo dependebat, extinxit. Expergesfactus autem cubicularius, cum lumen agnovisset extinctum, ad abigendam noctis tenebrosæ caliginem, divini lumi-  
nis insulgere postulat claritatem. Deus, inquit, omnipotens, qui lumen es verum, pro amore servi  
tui Odilonis, ab hac domo tenebras dimove eamque gratiae tuæ luce perfunde. Confestim de cœlo co-  
ruscæ lucis splendor emicuit, et totam domum sup-  
erni splendoris claritas illustravit. Si ergo hoc agebat Odilo tunc sopore depressus, quid putas nunc **D** apud Deum potest carnalis sarcinæ corruptione solutus?

Paulo ante nativitatem Domini, per hiemalium inclemantium imbrium sanctus senex ad beati Marcelli martyris monasterium (150) festinabat. Vene-

#### ET ANONYMI NOTÆ.

comes Cabilonensis Gausfredus, inquit Theobaldus, et ipse comes Cabilonensis in præcepto quod p. 514 (in *Biblioth. Cluniac.*) integrum posuimus, accessit ad beatæ recordationis abbatem Maiolum et commendavit illi monasterium hoc, in suburbio Cabilonensis civitatis a Guntchramno prædicto nobilissimo et religioso rege magnifice constructum, ubi requiescit corpus beati Marcelli martyris, eo tenore ut religionem monastici ordinis, quæ pene abolita fuerat, reformaret,

runt autem ad quoddam numen, quod ita fluctibus exundantibus inhorruerat, ut prorsus intransimabile videretur. Consilis autem in Domino dirigit prævium, qui vada prætentet, et ipse mox cum cunctis subsequens, pertransivit illas. Sed in hoc vadantum transitu illud mirabile fuit, quia cum cæteris aqua pertingeret usque ad femora, viro Dei nec corrigia quidem pedis aquarum est inundatione persusa. In illo scilicet solo mutoris sui perdidit unda vires: in reliquis autem naturalém ingenitam viris (151) exhibuit facultatem. Iustum aqua tangere potuit, humidare non potuit; **407** illos autem, quod natura dictaverat, undique madefecit.

Præterea dum vir Domini apud monasterium beati Martini, quod ad Publicam (152) stratum dicitur, receptus esset hospitio, sicut moris erat, ut ubique maneret quocunque se verteret, monachorum illico frequentia non decesset, non parvus ei cœtus fratrum affluxit. Quos ille cum alacritate suscipiens, et prius eis ineffabilis eloquii familiaritate communicat et postmodum, ut sibi pro charitate convescantur invitat. Sed dum in longum sermo protrahit, semolim quosdam ex familia servos accipit, utrum sit unde resici fratres valeant invitati solerter inquirit. Qui de cæteris quidem alimentis constare perhibent quantitatem, de piscibus autem pene nihil esse quod ad tantam hominum perveniat multitudinem. Ad quos ille, in nomine, inquit, illius qui novit quinque millia hominum ex pane modico et gemino pisce resuscere (*Luc. ix; Joan. vi*), non quasi nihil, ut dicitis, sed uberrimam nobis et hospitibus nostris piscium copiam ministrate. Cum igitur mensæ discubentium pauci qui aderant pisces a dapiferis inferuntur, cœpit esca in manibus discubentium crescere, et quo magis a convescendum turba consumitur exuberantius abundare, adeo ut satiatis omnibus plurima superessent, quæ non modo servitoribus cunctis, sed et aliis, si supervenirent, oblata sufficerent. Cui protinus famuli, ecce, Pater, inquiunt, quod pusillanimitas nostra non credidit, vestræ fidei méritum divinitus impetravit. Jam non dubitare didicimus, si promissionem vestram in articulo cuiuslibet difficultatis audimus. At ille, ut semper erat mitis et humilis, non suæ fidei quod divinitus factum erat ascripsit, sed illorum potius obedientiæ et sanctorum hospitum meritis imputavit.

Huic etiam illud non dissimile est quia, cum Dei famulus in Romana urbe consisteret et hospitium in monte Aventino apud monasterium beatæ Dei Genitricis haberet, contigit ut, sicut illius urbis familiare

#### ANDRÆ CHESNII ET ANONYMI NOTÆ.

*jura et possessiones ad ipsum locum pertinentes excoleret, et ut ipse et successores ejus Cluniacenses abbates perpetuiter haberent et possiderent.* DUCHESN.

(151) *Viris videtur usurpare pro genitivo a vis.*

(152) *In Vita Jotsaldi legitur, lib. II, c. 8: Est prope sanctum Dionysium monasteriolum in honore S. Martini consecratum, et vulgariter ad Publicam Stratam dictum. Quibus verbis hæc adnotavit erudi-*

A est, omnino tale vinum decesset quod sancto viro saporis habilitate congrueret. Inquirit ergo abbatem loci utrum melius habeat. Qui se confessim et proficitur habere, et quantum ipse præceperit libenter afferre. Vir autem Domini modicum, quod ante se erat vasculum, dedit; ut sibi plenum deserretur expetiuit. Allatum ergo ante se posuit, et ipse potissimum more pincernæ sibi duntaxat et abbati, qui juxta se discumbebat, expendit. Cumque jam a mensa surgendum refectio completa dictaret, et paululum adhuc vini in vasculo superesset, Pater sanctus blande subridens: Non, inquit, fratres **408** mei, plene circa vos officium charitatis exhibui, qui vinum, quod mili sapuit, vobiscum participare neglexi. Arripiens ergo cyathum, infudit merum, singularis singulum pro benedictione largitur. Res mira: Cum fratres essent sere duodecim, et eis bibentibus potus copia non defecit, et eorum completo numero nil omnino supersuit. Illis itaque quod factum fuerat admirantibus, vir veræ humilitatis custos, ut in alium divinæ gratiæ munus impelleret et ipse favoris humani gloriam declinaret, charitati duntaxat illius qui vinum dedit miraculum supernæ benedictionis applicuit.

Dehinc dum egressus Roma reverteretur ad propria, quidam intra Taurinensem urbem nimium febris patiebatur ardorem. Hic surnave per ministros aquam, qua vir Domini manus abluebat, accepit, fideliter bibit, et sic absque mora deposita prorsus omni febricitatione convaluit.

Cumque Jovini montis prærupta concendens obvios habuit pauperes, præ difficilis viæ Jassitudine potum aestuanti desiderio flagitantes. Pius itaque Pater sui negligens, aliis in necessitate compatiens, jussit ut quidquid vini propriis haberetur in vasculis absque ulla reservationis industria, vel potus dissidentia, præberetur egenis. Paulo post, necessitate naturæ cogente, discubunt omnes ut capiant cibum. Et ecce utres, qui studio fuerant pœ compassionis exhausti, vino reperiuntur, Deo sciicet debium persolente, repleti. Nam, juxta Scripturam: *Qui dat pauperi, Domino sœneratur* (*Prov. xix*). In hoc ergo felici commercio, ubi Dominus debitor famulus fuerat sœnator, quod a servo fideliter est depositum a bono debitore non segniter est solutum.

Aliquando imperator Henricus dum apposita mensa discumberet, vas illi holovitreum valde pretiosum et Alexandrini operis arte compositum, cum tritis est pigmentis allatum. Mox advocat duos aulæ regiae capellanos, Albericum videlicet et Landulphum,

#### ANDRÆ CHESNII ET ANONYMI NOTÆ.

tissimus Mabillonius: *Subsistit hodieque ecclesia S. Dionysii de Siraea, vulgo Saint-Denis de l'Estree, ubi visuntur vetustissima sepulcra SS. Dionysii et sociorum. Nulli ibi habitant monachii, quamvis redditus pinguis sim sint, qui a priore commendatario percipiuntur. Juxta hanc ecclesiam alia habetur parochialis titulus insignita sub sancti Martini patrocino.* ANONYMUS.

quorum alter Cumanæ (133), alter vero Taurinensis Ecclesiæ postmodum episcopi facti sunt. His itaque vasculum tradidit, et per eos beato viro Odiloni oderiferi nectaris xenium desinavit. Quod profecto vasculum capellani sancto viro, prout decebat, humiliter offerunt, ac pro eo postmodum reddituri ad regis interim convivium revertuntur. Paulo vero post, sicut humanæ curiositatis mos est, ut nova quælibet et insueta inhianter aspiciat, cœperunt monachi præsatum vas sub admirationis intuitu contrectare, et de manu in manum solerter inspicio transponere, cum ecce de manibus incaute se tenentium labitur, et ut fragilis est 409 naturæ, continuo frangitur. Quod mox ut vir sanctus accidisse cognovit, graviter tulit et præsertim clericis, qui deliquerant, paterna pietate condoluit, ne videlicet Augustum innocentes offenderent, et non modo jacturam gratiæ, sed et regii motus periculum sustinerent. Mox ergo cum fratribus ecclesiam pius Pater ingreditur, et ne hi qui erant immunes a culpa metum regiæ indignationis incurvant, orationibus et psalmis incumbens, clementiam divinitatis implorat. Jam igitur, oratione completa, vir Dei fractum sibi vas jubet affiri; manibus contrectat, oculis undique subtiliter inspicit, et ecce nulla prorsus in eo fracturæ vestigia deprehendit. Tunc indignatus in fratres, eos cum austeritate redarguit cur vas conquerentur confractum quod omnino permanserat illibatum. Illi vero, vehementer attoniti tam evidentis ostensione miraculi, et austeritatem corripiens libenter accipiunt, et ad referendas omnipotenti Deo gratias ferventius ascenduntur.

Præterea religiosus quidam vir oriundus de pago Rotensi [de Rolez], revertebatur ab Hierosolymis, qui dum mare transiret, quod a Sicilia versus Thessalonicanam per plurima fluctuum periculosa loca protenditur, eumque cum multis aliis furentium ventorum horror impelleret, applicuerunt ad insulam

#### ANDRÆ CHESNI

(133) Nempe, Comensis, qui et Cumanus saepius dicuntur. Comum, vulgo Como, Insubriæ urbs est; Cumanæ vero, italice Cuma, Campaniæ. Inter episcopos Cumanos nullus occurrit Albericus; secus inter Comenses. Albericus enim per ea tempora celebris est, utpote de Ecclesia et de monastico ordine optime meritus. Vide Ital. Sacr. Ughelli, tom. V. ANONYM.

(134) Narrant idem Sigebertus, Vincentius, Joannes Parisiensis, Bernardus Guidonis, et alii. Sed ad illustrandam cum eorum, tum Damiani nostri narrationem, de flammis illis, in quibus animas reproborum diversa pro meritorum qualitate tormenta luere referunt, nulla melius facere possunt exempla, quam quæ Damianus ipse recitat epist. 9, lib. 1, de Pandulpho Capuae principe et Joanne magistro militum Neapolitanæ civitatis. Mortuis enim illis, inquit, Siciliæ mons Vesuvius, unde scilicet gehenna frequenter eructat, in flamma erupit. Nam quandounque in illis partibus reprobis dives moritur, ignis erumpere prædicto de monte videtur. tantaque sulphureæ resine congeries ex ipso Vesuvio protinus fluit, ut torrentem faciat atque decurrente impetu in

quamdam, sive rupem, ubi sanctus quidam servus Dei manebat inclusus. Rotensis itaque vir, illic aliquandiu commorans et tranquillitatem sedandi maris exspectans, delectabatur cum servo Dei frequenter habere colloquium. Sed dum hinc nonnulla dicuntur, illinc plurima referuntur, perquisitus hospes a viro unde genus diceret, originaliter Aquitanum se esse respondit. Requisitus insuper utrum cœnobium illud, quod dicitur Cluniacum, et Odilonem ejusdem locinosset abbatem, optime quod quærebat se nosse perhibuit. Siscitatur homo cur hoc Dei servus ab eo requirat. Ad quem ille: Sunt, inquit, vicina nobis loca, ex quibus gravissima 410 flammarum furentium evomuntur incendia (134), in quibus etiam locis (135) animæ reproborum diversa launt pro meritorum qualitate tormenta. Ad quorum semper exaggeranda supplicia innumerabiles sunt dæmones deputati, qui intolerabiles eorum pœnas quotidie renovant; et eos ad rediviva supplicia indesinenter instaurant. Quos tamen ego frequenter audiui querulis lamentationibus ejulantibus et lacrymabili vociseratione deflentes, quod orationibus et eleemosynis quorundam adversus eos infcederabiliter concertantium frequenter ex eorum manibus eriperentur animæ damnatorum (136). Inter cætera de Cluniacensium cœtu permaximam et eorum abbatte querimoniam faciunt, quia quam sæpe per eos sci juris vernaculo perdunt. Quamobrem per terribile Dei nomen obtestor, ut sanctis fratribus illic hæc quæ tibi dixi fideliter referas, et ex nostra quoque illis parte denunties ut eleemosynis et orationibus magis ac magis insistant, ac præsertim hujus intuitu ut de manibus dæmonum eos qui ab illis cruciantur educant quatenus de quotidianis eorum rapinis et luctus inseratur generis humani inimico et gaudium multiplicetur in cœlo. Ali quanto post homo regressus in patriam, quidquid ex viri Dei relatione didicerat, beato patri et sanctæ congregatiōni fideliter narrat. Tunc venerabilis pater Odilo

#### ET ANONYMI NOTÆ.

mare descendat. Ubi scilicet corporaliter videri potest, quod in Apocalypsi Joannis de reprobis dicitur. Quia pars illorum erit in stagno ardenti igne et sulphure, quod est mors secunda. Et paulo post: *Enimvero et Salernitanus princeps cum procul aspexisset quadam die de prædicto monte Vesuvio piceas atque sulphureas repente flamas erumpere, protinus ait: Procul dubio sceleratus aliquis dives moriturus est atque ad inferos descensurus; sed o caca mens reprobi hominis! superveniente siquidem proxima nocte, dum securus cum meretrice concumberet, expiravit.* DUCHESN.

(135) Hæc loca Vesuvius mons ab eodem Damiano vocantur epist. 9, lib. primo, sicut ex præcedenti notatione patet, ab incolis autem ut Sigebertus ait, *Ollæ Vulcani.* Id.

(136) Non in perpetuum, scilicet, sed ad tempus, damnatorum, seu purgatoriis potius addictorum pœnis, quæ nonnunquam etiam infernales appellantur, ut apud Sigebertum, *Stephanus papa dixit se infernalibus pœnis cruciari, sed sperare se in erventu Odilonis abbatis veniam posse consequi.* Et sic quoque beatum Augustinum interdui accipere condemnationem dicitur ex cap. 110 Enchiridii. Id.

per omnia monasteria sua constituit generale decretum (157) ut, sicut primo die mensis Novembris, juxta universalis Ecclesiæ regulam, omnium Sanctorum solemnitas agitur, ita sequenti die in psalmis et eleemosynis et præcipue missarum solemnitiis omnium in Christo quiescentium memoria celebretur (158).

Si quis autem non generalitate contentes, quis specialiter per B. Odilonem de pœnis ultricibus sit ereptus inquirit, quid de reliquis sentiat, in papa Benedicto (159) evidenter addiscat: ut in Romano-rum pontifice, qui omnium Christianorum caput est, valeat liquido conjici quid de cæteris merito debeat aestimari. Apostolicus (140) **4.1.1** igitur iste quem diximus, dum adhuc viveret, beatum virum affectuose dilexit, reverenter excoluit, et apostolorum limina frequentanti necessarii sumptus optima sæpe subsidia ministravit. Huic plane mox, ut obiit, geranus ejus Joannes in apostolica dignitate successit. Jam vero postquam humanis rebus exemptus est, non parvi temporis evoluto curriculo, jam dictus papa Joanni Portuensi episcopo, et aliis duobus, quorum nomina nobis nota non sunt, per speciem nocturnæ visionis apparuit, eisque quia pœnalibus esset constitutus in tenebris, indicavit: hoc insuper addens, qualiter B. Odilonis venerabilibus meritis eum superna censura liberare decreverit a tormentis. Obscurat itaque per eos et humiliiter flagitat ut frater ejus ad præfatum unicæ pietatis virum agilem quantocius veredarium dirigat, eumque suppliciter obsecrans, pro se orare deposcat. Protinus idem Joannes Portuensis episcopus, auctoritatis apostolicæ fultus epistolis, concito gradu Papiam usque pervenit. Ubi longo et immoderate fortassis accelerato fractus itinere, per monachos cœnobii B. Majoli (141) apostolicæ legationis apocrias dirigit, omnemque per eos sancto viro seriem a se conspectæ visionis exponit. Eninvero divino factum esse constat judicio, ut eum apud Cluniacense monasterium apostolicæ legationis bajulus inveniret. Præcepit

## ANDRÆ CHESNII ET ANONYMI NOTÆ.

(157) Decretum hoc Cluniacenses Statutum de defunctis appellant, habeturque pag. 330 hujus Bibliothecæ. DUCHESN.

(158) Ritus, qui, ut Sigebertus addit, a monasteriis Cluniacensis ordinis ad multas Ecclesias postea transiens, fidelium defunctorum memoriam ubique solemnizari fecit. Id.

(159) Benedictum VIII nomine intelligit, de quo et idem Damianus epist. 9, lib. primo, et Sigebertus in Chronicis, ubi tamen male Stephanum pro Benedicto appellat. Joannes enim Portuensis episcopus, cui post obitum apparuit, non fuit frater Stephani, sed Benedicti VIII, sicut docet Baronius ad annum 1024. Id.

(140) Id est papa, sive pontifex Romanus. Auctor Vitæ Caroli Magni, sed post laudes, a domino apostolico more antiquorum principum adoratus est. Et Pipinus in fund. Figiaci, Placuit etiam nobis, et domino reverendo apostolico. Unde olim scriptoribus nostris vernaculis apostole et apostole olim dictus est. Guidonis Biblia:

De nostre pere l'apostole  
Voulisse qu'il semblast l'estoile...

A itaque venerabilis Pater pro illo psalmodias et orationes ab omnibus privatim ac publice fieri, elemosinas indigentibus erogari, sacrificium Deo mysterii salutaris offerri. Nec in illo duntaxat loco id statuere contentus fuit, sed et per omnia sui regimini monasteria ejusdem sanctionis edicta mandavit. Cumque hoc fratres intentissima devotione satagerent, et ex ara sanctorum pectorum fraternæ charitatis flamma prosiliens divinæ clementiæ sacrarium penetraret, jam præfixi temporis terminus propinquabat; et ecce quidam sanctæ conversationis monachus, Heldebertus nomine, qui videlicet hoc obedientiæ fungebatur officio ut inopes aleret, indigentibus subsidia ministraret; hic itaque per soporem vidi quod quidam pulcher, ac serenus aspectu, ac solemnni quodam **4.1.2** nitore conspicuus claustrum monasterii magno candidatorum agmine constipatus ingrederetur. In capitulum deinde, ubi frater Odilo cum fratribus residebat, intravit, ad ejus genua caput humiliiter flexit, eique, sicut in gestu corporis videbatur, gratias egit. Cumque frater ille, qui hoc in visione contemplabatur, inquireret quisnam esset ille tam decorus ac fulgidus, qui sancto viro salutationis officium exhiberet, responsum est ei quia illè esset Benedictus, summæ sedis episcopus, qui nimirum idcirco viro Dei gratias ageret, quia piis ejus sanctorumque fratrum precibus tartarei cruciatus evasisset interitum, et cum beatis civibus quieturus supernæ Hierusalem meruisset ingressum.

In hoc valet liquido deprehendi quæ de meritis B. Odilonis opinio jure possit haberi, cum is nimirum qui, juxta privilegium apostolice dignitatis, claves Ecclesiæ præ cunctis mortalibus tenuit, qui ligandi atque solvendi vires præminentib[us] quodam jure possedit, in illo jam invisibili examine constitutus, non aliter quam precibus istius vel a peccatis solvi, vel de pœnali potuit supplicio liberari.

Porro autem dum aliquando in monasterio moraretur quod Paterniacum (142) dicitur, erat ibi quidam puerulus monachus, nomine Rodulphus,

## ANDRÆ CHESNII ET ANONYMI NOTÆ.

Et Guillelmus de Nangiaco in Chronicis: *Iches Roy de France Pepin enoinst, et couronna primierament Saint Boniface l'Evesque de Majance par l'autorité de l'Apostole Zacharie.* Sed hoc tam frequens et usitatum, ut alia probatione indigere non videatur. Id.

(141) Papiensis nempe, quod ipsius Odilonis industria non parum auctum est, ut asserit anonymous Silviniaci monachus, qui S. Majoli nobilissimum *ajud Papiam locum* appellat. Id.

(142) Monasterium hoc ab Adalheida imperatrice conditum in Lausanensi diœcesi, et Maiolo Cluniacensi abbati, suisque successoribus commissum, uti refert idem ipse Odilo in Vita sanctæ Adalheidæ his verbis: *In patris vero, Rodulphi videlicet nobilissimi regis, et domini Chuonradi fratris regno, loco videlicet Paterniaco, ubi matrem reginam vocabulo Bertram Deo in omni bonitate devotam sepulturæ tradidit, in honorem Dei Genitricis monasterium condidit, et sanctissimo patri Majolo, suisque successoribus sua munificentia, et fratris sui Chuonradi regis præcepto ordinandum perpetuo commisit.* Et aliquando post: *In ipso quoque tempore monasterium Paterniacum*

quem struma quædam guttulis intumescens deturparat usque adeo ut claritatem vocis auferret, et insuper quodammodo minaretur quod sibi etiam aliquando auditum interciperet. Quem ad se vir Dei vere misericors advocat, palpante manu locum tumoris attractat, deinde signum crucis plagiæ guttulis imprimat, et divina quædam verba dicens, mox abire permittit. Deinde mirum in modum, sicut in aliis morbus ille, postquam semel oboritur, in dies solet excrescere totumque guttur miserabiliter occupare, sic in isto versa vice cœpit ex tunc sensim quotidie detumescere, donec pestis illa funditus evanesceret, et guttur pueri ad naturalem se speciem per omnia reformaret.

Alio quoque tempore de monasterio (143) quod est in Jurensi territorio constitutum, vir sanctus **413** exierat, et ad Gebennensem (144) urbem cœpto itinere contendebat. Cum autem ad quendam concavæ profunditatis fluvium devenisset, accidit ut mulus qui hominis Dei supellectilem, libros scilicet ac Ictulum, deferebat, a publico vado procul aberrans, in profundiorem alvei voraginem caderet, sicque raptatus a gurgite, nullo membrorum, nisi solo capite, fluctibus emineret. Qui tandem e naufragio protractus educitur, ad perserutandum utrum res et maxime libri perierint, desagmatur. Miro itaque supernæ dispensationis ordinè, libri simul cum lectulo ita a fluctibus reperiuntur intacti, ut ne tenui quidem aquæ stilla videantur aspersi. Manilia vero simul et manutergia prorsus undique reperta sunt madida. Ubi notandum quam pervigil fuerit erga servum suum divina protectio, ut ea vi-

A delicit quæ ablui frequentius indigent, madere permetteret, quæ vero maledicti sine damno non possunt, a contactu fluctuum immunita custodiunt.

In eodem quoque Jurensi monasterio vir Domini Odilo aliquando constitutus, reperit puerum nomine Gerardum terribili caducæ passionis languore detentum. Qui saepissime quasi lunaticus corruerat, et sic eum occidui languoris impetus obruere consueverat, ut in eo neque vox, neque memoria, neque prorsus aliqua membrorum officia remanerent, ac fere a mortuo nihil distaret. Huic homo Dei misericorditer condescendens, fratribus ut pro eo Dei clementiam deprecantur injungit, ipse vero ad sacro-sanctum altare, missam celebraturus, accedit; ager etiam ut interesset ad monuit. Cui mox eucharistiae salutaris nihius tradidit; deinde, sicut sibi moris erat, sanctificatam aquam **414** cum B. Majoli calice propinavit. Nec mora, protinus a puero languor omnis abscessit, salus optata succedit; et sic per merita beati viri restituti sibi vigoris incolimitas permanuit.

Aliquando vir Domini per prærupta Jurensium Alpium iter habebat, et repente sanguarius nonnullis oneratus sarcinis per montis devexa collabitur, atque per aspera rupium scopulorumque præcipitia usque ad vallis insimile profunda raptatur. Ministri protinus in illud lubricæ ruinæ præcipitum descendentes, nonnulla quidem de sarcinulis, quæ passim dispersa fuerant, illæsa reperiunt, librum tamen Sacramentorum aureis litteris exaratum, cum vitreis quibusdam vasculis anaglypha fusilitate cœlatis, esse perpendunt. Quibus interim recedentes omissis,

#### ANDRÆ CHESNII ET ANONYMI NOTÆ.

*adit, quod ipsa ad honorem Dei Genitricis pro remedio animæ suæ matris ibi requiescentis, tam ex maternis rebus nobiliter condidit. Imo et Odilonis abbatis tempore Paterniacus iste, sicut ait monachus Silviacensis, ob Dei amorem Genitricis sibi delectabilis locus, in aedificiis, in possessionibus, et ornamentis amplissime dilatatus crevit. DUCHESN.*

(143) Romanum monasterium notari suspicor quod et ipsum Lausanensi diœcesi situm est, et ab Adalheide Rodulphi regis sorore forsitan etiam Odiloni suisque in Cluniacensi cœnobio successoribus commissum. In Chartulario namque Cluniacensi regale præceptum exstat, quo Rodulphus rex monasterium hoc Adalheidi sorori suæ concessit in vita sua, et ut haberet post decessum suum potestatem relinquendi cuicunque vellet. Præcepit tenor hic est :

#### De Romano monasterio.

*In nomine sanctæ et individuæ Trinitatis, Rodulphus divina favente clementia rex. Cum conveniat regiam eminentiam ut erga subjectos benignum præbeat auditum, et justam petitionem eorum ad effectum perducat, decet maxime ut qui promptissima devotione in ejus servitio intendunt, liberalitatem clementer impertiat. Ac per hoc noverit omnium sanctæ Dei Ecclesiæ fidelium tam præsentium quam videlicet et futurorum solertia, quoniam accessit ad præsentiam magnitudinis nostræ dulcissima ac dilectissima Adalheidis soror mea, petens et supplicans, ut abbatiam Romani monasterii, quæ constructa habetur in honorem beati Petri apostolorum principis, et est sita in comitatu Waldense, per præceptum nostræ regalis dignitatis ei in vita sua concederemus,*

et ut haberet post decessum potestatem relinquendi cuicunque voluerit hæredum suorum. Quam petitionem intimo ex corde suscepimus, et per auctoritatem, quam habemus principalem, jam dictam abbatiam Romanam eidem largimur dum vixerit. Cum autem Deus eam a corpore vocare dignatus fuerit, habeat licentiam et omnem facultatem relinquere eam cuicunque elegerit de suis hæredibus. Atque ut haec nostra largitio firmior habeatur, et per cuncta sæcula inconvulse servetur, manu nostra subterfirmavimus, et de annuli nostri impressione sigillari præcipimus.

*Signum Rodulphi piissimi regis.*

Berengarius notarius ad vicem Theodorici archiepiscopi et cancellarii recognovi.

Datum iv Idus Junias anno 10 propitio Rodulphi piissimi regis I, anno ab Incarnatione Domini 988, indict. vi. Actum Vabrac in Dei nomine. Amen.

Quidquid sit, et data præcepit Romanum monasterium alio quam Odilonis tempore Cluniacensis cœnobii membrum fieri non potuisse demonstrat, et anonymous Silviniaci monachus ab eodem ipso Odilone rededicatum a fundo testatur. Id.

(144) In qua antiqua et nobilis sancti Victoris ecclesia, quæ et ipsa juris Cluniacensis, et ab eodem rursus Odilone reparata, sicut idem monachus affirmat. Id.

Duchesnius legit ad Genuensem urbem, quæ intelligi potest pro Genua, seu Janua dicta, vulgo Genova. Attamen de Gebennensi urbe, vulgo Ginevra, hinc sermonem esse satis constat ex dictis à Mabillonio in Elogio sancti Odilonis, n. 74, sicc. vi, p. i. ANONYMUS.

hospitium subeunt, corpora fessa reficiunt, et nocturno soporati silentio quieverunt. Mane autem facti mature surgentes, ad locum illum celeriter redeunt, et curiosius quæque diverticula perlustrantes, omnia quæ periisse suspicabantur inveniunt: vasa nimirum vitrea reperiuntur illæsa; deauratus etiam liber, cum tempus scilicet imbriferum inhorreretur, a nulla prorsus est pluviarum inundatione contactus. Sic itaque beati viri meritis, et vitrum frangere præceps ruina non potuit, et perfundere codicem inundantium imbrium densitas ignoravit.

Nobilis quidam vir, dum jaceret sub arbore, particula corticis in ejus oculum cecidit, cui non modo lumen omnino turbavit, sed et aliarum calamitatum multiplex pondus invexit. Nam cùm id quod oculo semel insederat nullo modo potuisset expelli, fugit somnus ab oculis; et non modo jam homo non dormire, sed nec **415** ciborum quidem valebat aliena percipere. Quem seorsum vir sanctus adducens, signum sibi crucis impressit, ac mox insussans super locum doloris halavit; deinde promittens se salutares pro eo victimas oblaturum, abiit. Abscedente itaque viro Dei, protinus homo suaviter obdormivit: evigilans autem, particulam corticis ab oculo non sine lanugine quadam projecit, et ex vestigio factus incolmis, nullam de cætero doloris hujus molestiam sensit.

Guidani Turonensis Ecclesiæ clericu lethale ulcus in brachio pestilenter excreverat, ut sibi jam non languoris ægritudinem, sed ipsam posius interminaretur et mortem. Cumque vir Dei Lucensi (145) teneatur hospitio, accedit clericus, et periculum tam pestiferæ calamitatis ostendit. Quod ille quasi videre dissimulans, latenter brachium apprehendit, viviscae crucis signaculum imprimit, eumque dimittens, ut sibi caute provideat præcipit. Qui paulo post, dum locum ulceris curiosus attendere studuit, nulla prorsus vestigia deleti languoris invenit. Stupefactus igitur novitate miraculi, ad hominem Dei præsto regreditur; quid sibi contigerit, non tam relatione verbi quam ostensione sui brachii evidentissime constetur. Quod ille satis moleste tulit, eumque a suo conspectu cum indignatione exturbavit. Nam tanquam venena serpentum, sic rumores hominum fugiebat. Asserebat enim quia quantumlibet sublime sancti operis ædificium per vanæ gloriæ subito corruit appetitum.

Præterea miles quidam tam mentis inops erat effectus, ut postposita penitus omni cura privata vel publica, per devia solivagus et nudus erraret, inconditas voces emitteret, et tanquam dæmoniacum se per inordinati gestus insaniam exhiberet. Cui vir Domini paterna pietate compatiens, simul cum fratribus ante altare sancti Petri prosternitur, divinam clementiam cum psalmis et litaniis implorat, ut pe-

A rire creaturam suam sub hujus furoris insaniam non permittat. Hinc ab oratione consurgens, ad eum qui patiebatur accedit, aqua sanctificationis aspergit, atque, ut ex ea bibat, suadendo compellit. Qui non multo post ad Cluniacum sanus et incolmis venit, xenia piscium detulit, et quia sibi plenissime redditus esset, gratias referens, indicavit.

Alius quoque miles efficaciam edendi sermonis amiserat. Hic per visionem admonitus est, ut si aquam quæ manus beati Odilonis abluebantur hauriret, hac sibi loquendi vires et amissæ linguae officium procul dubio reformaret. Aqua igitur per ministros fideli furto subripitur, altera etiam aqua a viro Dei benedicta de calice sancti Maioli muto transmittitur. Quas ille cùm nimia devotione suscipiens, mutatis **B** vestibus ingressus ecclesiam, quia lingua non poterat, ore cordis oravit; et sic poculo benedictionis accepto, reparatum sibi locutionis officium recognovit. Mox etiam expedite loquens, mirum de se spectaculum cernentibus **416** dedit, et quid beatus Odilo apud Deum posset evidenter innotuit.

Præterea cum vir venerabilis apud quamdam ecclesiam monasterii quod dicitur Vallis Aurea cibum caperet, sed locum magna vini laborare penuria didicisset, ne gravaret fratrem qui eum cùm alacritate suscepserat, hoc in commune præfixit, ut quisque decumbentium uno tantum scypho contentus esset, solis autem monachis pincerna poculum geminaret. Mensura tamen exceditur, et largus ad bibendum potus cunctis epulantibus exhibetur. Enimvero cum vas illud vinarium et unum duntaxat esset et modicum, non modo tot indiscrete bibentibus non defecit, sed et illis recedentibus, absque ulla diminutione repertum est plenum, ut per hoc evidenter clarescat indicis quia vir Domini non tantum id apud Deum potuit impetrare quod petiit, sed et nonnulla per eum virtutum signa divinitus ostensa sunt, quæ nescivit. Et de signis quidem atque virtutibus quas vir sanctus adhuc in corpore constitutus ostendit ista sufficiunt; nunc ad explicandum felicem ejus obitum, auxiliante Domino, propinquemus.

Enimvero quanquam homo Dei sublimiter se in spiritualibus studiis et divina contemplatione suspenderit, in corpore tamen utilitatis industria non mediocriter laboravit. Monasteria scilicet nonnulla a fundamentis erexit; alia vel jam semiruta, vel ruinam forte minantia, reparavit. Dilatavit illis prædia, nonnullis etiam insignia contulit ornamenta. Quæ vero monasteria nova considerit, quibus parietina tantum, et sarta tecta collatis sumptibus instauraverit, enumerare per ordinem idcirco postpenitus, ne prolixitate styli lacinas contexere videamus, præsertim cum in ipsis vivis operibus gestorum fidem multò clarius experiantur oculi, quam illo sermone valeant narrari. Dispensationis quoque ge-

#### ANDREÆ CHESNII ET ANONYMI NOTÆ.

(145) *Lucense* dixit, quod Glaber Rodulphus, et alii *Lucense*, a Lucis, seu Lochis, pagi Turonensis urbe: quæ Gallice *Loches* dicitur. DUCHESN. — Al-

tamen Mabillonius intelligendum hic esse de *Lucensi* urbe, quæ respublica est in Etruria, vulgo *Lucca*. ANONYM.

minæ moderator insignis, et in spiritali studio co-rat divinis obtutibus fulsit, et in terreni laboris industria non mediocriter floruit.

Porro cum vir Domini jam in extremis ageret, per quinquennium sere compulsus est gravissimi languoris molestia cruciari. Mox itaque beatorum apostolorum limina festinat invisere, ut quasi sub eorum pedibus, si sibi daretur quod semper in votis habuerat, posset ex hoc mundo transire. Verumtamen quia *non est in homine via ejus* (*Jerem. x.*), alter sibi contigit quam speravit. Per quatuor plane menses illic ægritudine detentus elanguit; deinceps contra spem aliquantulum convalescens, ad propria remeavit. Cluniacum itaque deveniens, per annum sere totus in oratione permansit, seseque quantum ægritudo permisit, jejuniis ac vigiliis vehementer afflixit. Decrevit autem ut, antequam debitum conditionis humanæ persolveret, quæque monasteria sua circumiens sanctæ admonitionis studio visitaret. Expeditione igitur sanctæ hujus ædificationis incepta, Silviniacum **417** devenit; ibique se circa festivitatem Dominicæ Circumcisionis ex sæculo hoc migraturum manifeste dixit. Porro autem cum jam in agonis esset angustia constitutus, diabolum astare conspexit, eumque per nomen tremendi Judicis, ut abscederet, terribiliter increpavit.

Anno itaque Dominicæ Incarnationis 1048 (146), ætatis autem suæ 87, ordinationis etiam 56, ea nocte quæ Dominicæ circumcisionis solemnia præcedebat, salutaris eucharistiae sacramenta percepit, sicque beatum Deo spiritum reddidit. Paulo autem post, eadem scilicet nocte, cum beati viri corpus in ecclesiam jam fuisse delatum, frater quidam, Gregorius nomine, Juveneta. [sorte Venetus] (147) natione, naturæ simplicis et innocentis vitæ, exsequiarum funebrium lassitudine prægravatus, in eadem cella in qua sanctus obierat, proprium stratum petiit, in quo se projiciens, dormire tentavit. Sed nequum plane resolutus in somnum, beatum Odilonem sibi videt astantem. Ad quem mox

#### ANDREÆ CHESNI ET ANONYMI NOTÆ.

(146) Ab Jotsaldo S. Odilonis obitus ad sequentem annum 949 producitur. ANONYM.

(147) Mabillonius in Vita S. Odilonis ab Jotsaldo conscripta profert *Ninivita natione*, et in manuscriptis legitur *Ninevita*, quanquam a Bollando legatur *Juveneta. An a Ninivia, ait Mabillonius, Flandriæ oppido medio inter Bruxellas et Aldenardum in comitatu Alostensi? Id.*

(148) Archiepiscopum de Malsiæ vocal Martinianus codex his verbis: *Frequens etiam monachorum et clericorum grata visitatio, inter quos saepius eum revisebat dominus Laurentius archiepiscopus de Malsia, vir per omnia sanctissimus, in scripturis utriusque linguae, Græcae videlicet et Latinæ, secundissimus; nisi potius de Malfia legendum. Est autem Amalsis vel Amalitana sedes in regno Neapolitano; vulgo Amalfi.* DUCHESN.

A voce promptissima: Quid, inquit, agis, domine Pater? Et ille: Bene, frater, et optime. Dominus enim meus Jesus servo suo per semetipsum dignatus est adesse, et sui præsenliam misericorditer exhibere. Sed in ipsa mœa decessionis hora, in illo scilicet angulo (ostendebat enim quasi digito locum) vidi figuram quamdam trucem nimis atque terribilem, quæ mihi tetricæ suæ visionis horrorem atque formidinem tentavit incutere; sed Christi confortante virtute, nulla mihi potuit infestatione nocere.

Proxima quoque Quadragesima succedente, sanctæ ac venerandæ memoriæ Laurentius (148), Amalitanæ sedis archiepiscopus, qui, potens in litteris ac biglossus, Græce noverat et Latine, et, quod longe præstantius est, laudabilis vitæ claritate pollebat; hic itaque tunc Romæ constitutus, obdormivit in Domino. Cumque cadaver ejus fuisset in ecclesiam illatum, honestus quidam clericus, Albero nomine, in ejusdem ecclesiæ angulo lassabunda dedit membra sopori; cumque subito adhuc pene vigilanti vir beatus apparuit, ei mox clericus intulit: Domine mi, quando huc, et cur advenisti? Ad charissimi, inquit, olim amici mei domini Laurentii pontificis exsequias veni; quibus expletis, antequam te videarem recedere nolui. Et his dictis, species loquentis evanuit. **418** Vir itaque Domini, quia recte vixit, feliciter obiit; et quia vitam mirabilem duxit, jure miraculis coruscavit. Vita quippe beati hujus viri velut aurea tabula est, cui quasi margaritas quasdam ac gemmas insigimus, dum gestis ejus interlucentia virtutum miracula permiscemus. Apud cujus venerabilem tumulum nihilominus adhuc rutilant nova signa virtutum, quæ nimur nos his inserere superfluum ducimus, cum per alios apicibus exarata cernamus. Legentium igitur tædio consulentes, his contenti sumus, quæ succincta brevitate perstrinximus, ad honorem et gloriam Redemptoris nostri Jesu Christi, qui cum Deo Patre et Spiritu sancto vivit et gloriatur in sæcula sæculorum. Amen (149).

#### ANDREÆ CHESNI ET ANONYMI NOTÆ.

(149) Fusiorum S. Odilonis Vitam ab Jotsaldo (non Lotaldo ut perperam nonnulli) Cluniacensi monacho ac ipsiusmet Odilonis discipulo conscriptam videant hi qui ejusdem sancti gesta ediscere cupiunt. Hanc Jotsaldi S. Petrus Damiani, hortante Hugone abbate et S. Odilonis successore, in compendium reddidit superfluis resectis. Duchesnius, in appendice ad bibliothecam Cluniensem sub anonymi Silvinianensis nomine, et Bollandus sub altero Lotsaldi, hujusce Vitæ fragmentum edidere. Verum Mabillonius eam integrum vulgavit par. II, sæc. VI *Act. ord. S. Bened.* notisque illustravit, ac speciatim elogium seu potius commentarium de S. Odilone eidem præfecit, ubi plurima ad illustrandam ejusdem sancti, et Cluniacensis congregationis historiam accommodatissima singulari eruditione contextuit. ANONYM.